

S. VIII. 33.

9

EPISTOLIUM CONSOLATORIUM

*Cum nonnullis epigrammatibus,*

Ad

**VIRUM MAGNIFICUM, AMPLISSIMUM & Consultissimum,**

**DN. IVRGA-  
VALENTINUM  
VVINTERUM, J. U. Do-  
ctorem, Comitem Palatinum  
caesareum, Consiliarium aulicum & Pæda-  
gogij Stetinenſis Capitularem, obitum filio-  
læ ſuæ, cheu! deſideratiſſimæ,  
lugentem,**

*Scriptum ab amicis quibusdam candidis.*

*Anno & Die,*

**LVCe Abrahæ Morli Vr VIntherI Gnata  
(Cathrina:**


**ILLI Cœlipotens Conferat astra pater.**

**STETINI,**

**Typis SAMUELIS KELNERI, Anno 1622.**

*Eccles: c. 30.*

Melior est Mors, quàm vita amara: Et requies  
æterna quàm languor perseverans.



*2. Regum 14.*

Omnes morimur, & quasi aquæ dilabimur in  
terram, quæ non revertuntur.

*Salutem à salutis fonte Emanuele  
nostrò.*

**H**N publico (proh dolor!) omnes ver-  
samur jam luctû, ob inopinatû Ill<sup>mi</sup>  
ac Rever<sup>mi</sup> Principis nostri U L D A-  
R I C I obitû, & ad bēatiora Illa loca  
abitu; Tu verò Magnifice Vir, amice & adfi-  
nis colende, præter publicum privatò insuper  
& domesticò luctû premeris, dum carissimam  
amifisti *Filiolam*. Prior communē hanc nostram,  
totam scilicet tangit & angit P O M E R A N I A M :  
Posterior domû & familiam V V Y N T E R I A N A M ;  
*Si liceat magnis rebus cōponere parvas, ut ait Poëta.*  
Uterq; jam lenimine & malagmate indiget: Il-  
lum quidem ut mitigemus, ardentibus ad D E-  
U M precibus opus est, quò pœnam cervicibus  
nostris imminentem benignus avertat, Ill<sup>mam</sup>,  
quæ nobis superest ô (utinàm diutissimè!) P O-  
M E R A N I Æ *Ducum Bigam* salvam & incolumen  
servet, conserve, fœcundet, secundet, ut sub  
Illâ, ejusq; Posteritate, nos nostriq; aureâ frua-  
mur

mur pace, ad extremum usq; supremi iudicij  
momentum! Hic Amicorum exposcit consola-  
tiones, quæ (teste Euripide) Si lugenti nimi-  
rum Amico Amicus subveniat, longè gratiores  
sunt, quàm si nautis in tempestate serenitas ob-  
veniat. Ne itaq; & ego partibus meis deesse vi-  
dear, Epistoliolò hòc, tenui licet, magnum ta-  
men animi mei dolorem contestari volui.  
Quæso autem luctus ille tuus parcior & mode-  
rator sit, & tui ipsius, quem febriles adhuc exa-  
gitant Paroxyfmi, rationem habeas: Quid enim  
Vita, quam filix tuæ ereptam luges? ludibrio-  
rum scena, miseriarum mare, per quod ut ma-  
ximè ex votò feratur navis, in multos tamen  
scopulos impingat, multis vadis obhærescat, ne-  
cessum est: Quid contrá Mors? Dulcis somnus,  
requies, gaudium, finis miseræ hujus & principi-  
um melioris Vitæ, aut si quid in eâ mali, malis  
tantùm. Quæ cum jam Deò sic disponente te-  
neræ etiam huic plantulæ, è terrestri in cœle-  
stem hortum transpositæ, obtingant, cur invi-  
deamus? Tibi interim Clarissime Vir sanitatem  
constantem & cum novò instante hòc annò,  
novas

novas vires ex animò precor. Dabam è Musæo  
meo, ipsâ die Incarnationis Dominicæ Anni  
M. DC. XXII.

*Tui perpetuum*

*Obscr<sup>ms</sup>.*

AND. HILTEBRANDT Med. Doct.

---

*Ad piè defunctam ejusdem*

*τηλεστήχου.*

Una Tibi nomen dedit & pri-  
(mordia vitæ

BRUMA, sed Altera, jam dat ti-

(bi BRUMA necem!

Planta foli Brumalis eras, Ver-

(nalisat, inde

Erepta, æternum es vivida

(Planta poli.

ALIUD.

ALIUD.

**F**rgo & Tu WINTERE, aliquid per funera  
(Nata  
Passus es humanum! & Tibi jam contingere  
Quæ possunt homini, sentis contingere posse! (cur vis  
Natos nempe Homines hinc noscis Teq; Tuosq;  
Communiq; hominum sub conditione jacere.

Nec solum id noris: Sed & hoc Te nosse decebit,  
In cælis quod qui nobis DEUS omnibus, idem  
Et tibi sit DEUS. Hic DOMINUS vitæq; necisq;;  
Corporis atq; animæ, sortis lætæq; malæq;;  
Cunctis cuncta super qui proinde tremore timendus.

Sed nec & id solum: quin & Te nosse memento,  
Quod tamen haud tantò sit fas tremuisse timore,  
Ut spes, utq; fides, animusq; hinc excidat omnis.  
Sed quoq; cuncta super DOMINUS reverenter aman-  
Omnis & in solo figi fiducia debet. (dus,

Pro nece dat vitam hic, animis hic corpora rursus  
Jungit, luce crucem lætisq; hic tristia mutat.  
Ergo timens & ama, & contra fidentior in te.  
Dicito: IOVA DEDIT, IOVA ABSTULIT (egit Iova  
Ufus jure suo) BENEDICTUM NOMEN JOVÆ.

Doloris levandi, honoris testandi causâ f.

M. Henricus Kielmannus,  
Ducal. Padagogij ConR.

ALI-

ALIUD.

Anna Catharina VVinterias

*Per duplex Anag:*

Prius, Aspir: neglect:

*Nata ain? curâ annitar IESU.*

*Posterius:*

*ſ nata, vernant hic arva ſanis.*



Æti dum pueri ſparſæq; lepore puellæ  
expectant Chriſti dona novella ſui:  
Ecquid Vinterias ſpirat? quæ munera ſperat?  
non mundi immundi, ſed nova ſerta Poli:  
Decumbit, patrius generoſa per ora recurrit  
candor; ſed morbus membra tenella coquit.  
Quid pater? in carâ cura omnis & omne levamen  
Stat natâ, mæſtus ſic gemit atq; fremit;  
Tu me Cara tui cupidum ſic deſeris? inſtat  
læta dies, CHRISTUS quâ ſua dona dabit.  
Mitte mori: mors eſt homini foecunda malorum:  
Vita placet; vitæ ſis comes ANNA mæx.  
Non mala, læta refert, mihi mors; horrenda videtur  
illis, quos ſcelerum ſarcina dura premit.  
Sævi ſiquid habet, curâ eni annitar IESU,  
ut vincam: pugnat qui hoc duce, victor erit.  
Nata ain? hinc genitor, curâ eni annitar IESU,  
inquit; ovas; palmam, ſic age, læta feres.  
Mox ea: Ieſſæo connatam ab origine labem  
Sanguine deterſi; mors mihi porta poli eſt.

Blan-

Blandidulo adventans solatur IESULUS ore.

Suggestit & vires, & rata serra parat

Hûc i nata, vocat, *sanis hic arva colonis*

*Vernant*: deponam hæc membra, vocata sequar.

Sic ait, & placido consopit lumina somno,  
ceu cadit incisus flosculus ante diem.

Quare ne pectus nimium *Vir magne* paternum  
Exerucies, patriâ nata potita suâ est.

*Ad contestandam observant*:

*Ε συμπαθειαν ια L.*

M. MARTINUS LEUSCHNERUS

S. S. Theol : Stud : Ducal : Pædagog :

Sedin : SubR.

F I N I S.





92116 **Bibliotheca 105 000**  
**P.P. Camaldulensium in Bielany**

Depozyt w Bibliotece Jagiellońskiej



06393

S.VIII.33

